



Universitätsbibliothek Paderborn

**Joannis Ludovici Schönleben, Carnioli Labacensis, SS.
Theologiae Doctoris, Protonotarij Apostolici,
Archi-Diaconi Carnioliae Inferioris. Horae Subsecivae
Dominicales. Sive Discursus Sacri De Tempore ...**

Cum quadruplici Indice I. Discursuum. II. Locorum Sacrae Scripturae. III.
Rerum & Verborum. IV. Historiarum & Mythologiarum

Pars Hyemalis Et Verna Ab Adventu Ad Pentecosten. - Insertis aliquot
Allocutionibus Academicis

Schönleben, Johann Ludwig

Salisburgi, 1676

Discursus XIV. Dominica in Quinquagesima. Chymæra realis. Thema. Et
ipsi nihil horum intellexerunt. Lucæ. 18.

[urn:nbn:de:hbz:466:1-47077](#)

S (165.) S.

DISCURSUS XIV.

Dominica in Quinquagesima.

Chymæra realis.

T H E M A.

Et ipsi nihil horum intellexerunt.

Luce. 18.

SYNOPSIS.

I. Poëtae supponunt aliquando in rerum natura fuisse Chymaram : Philosophi negant fuisse, & esse possibilem. Poëtis nunc subscribendum: Quia hoc præsertim tempore infiniti sunt Hircocervi.

II. Prima in mundo Chymera fuit Angelo-Serpens in Paradiſo , a quo reliqui suam texunt Genealogiam. Et sunt illi, qui aliud corde volvunt, aliud vultu larvato præferunt.

III. Homo ad imaginem DEI conditus est: Recedit ab hac imagine, qui Chymeram induit. Honorandum est archetypum. Morionis habitu induere statuam Regis , capitale esset, quanto magis imaginem DEI deformare?

IV. Ex DEI lege non induetur mulier ueste virili , nec econtrà : Quia est contra na-

turam , & luxuriæ propositum gaudere perversis.

V. Apud Anglos olim larvatum incedere capitale fuit : Apud Gallos exilium indictum larvatis. Num pudet nos esse viros ? esse homines ?

VI. Jam olim contra larvas declamarunt Patres : Optandum esset ut Principes severis legibus has coërcerent.

VII. Apud Thurios ueste muliebri virum indui fuit ignominiosum, & transfuge milites sic puniebantur. Transfugit à Christo, qui formam imitat.

VIII. Verum sunt forte , qui hæc rigida præcepta existiment: Hi verò non expendunt pericula & peccatorum occasiones: Nec unquam satis in hæc vitia declamabitur.

IX. In aula Caroli Valesij larvati suo excidio dederunt pœnas ;

X. 3

X. In

X. In aula Comitis Hobenloij similiter, & tamen posteri nihil horum intellexerunt, pejores Avis & Atavis in antiqua via proruimus.

XI. S. Bernardus quod negotiis quibusdam secularibus se implicuerit, Chymeram se appell-

avit. Magnum inter hunc & hodiernas Chymeras intervallum, quia hodiernæ nec sunt homo, nec bestia, sed vel utrumque, vel aliquid deterius. Si placent metamorphoses, induamus Christum, & novum hominem.

Et ipsi nihil horum intellexerunt.

Lucæ. 18.

I.



Rincipio dictioris hodiernæ arbitrum agam inter Poëtas & Philosophos; utri de Chymera melius sentiant. Poëtarum figmentum est (quod plurunque solet esse veritatis involvrum) Chymeram suisse monstrum trium diversarum formarum: De quo cecinit Hesiodus:

*Huic tria erant capita: primum fuit acre leonis,
Aet aliud capræ, atque aliud caput inde Chelydri.
Prima leo, postrema draco, media inde capella.*

*Hesiod. in
Theogon.*

*Apollod.
lib.2.*

Monstrum hoc Bellerophon consenso alato equo Pegaso sagittis confecit, ut scriptum reliquit Apollodorus. Unde aliquando in rerum natura Chymæram extitisse supponunt Poëtæ. At Philosophi Chymeram appellant Ens Rationis, partum fœundi intellectus, quod ita definiunt *Ens Rationis est illud, quod habet esse tantum in intellectu.* Negant proinde extra intellectum aut esse, aut posse esse. Pace Philosophorum dixero ipsi autem non intellexerunt. Dari extra intellectum Chymæram, & Ens rationis sine ratione habens intellectum, sine intelligentia nimis

nimirum certum est ; & nulla monstrorum progenies adeò copiosa & fœcunda est in mundo quam Chymærae. Testor hæc ipsa tempora Antecineralia dicam an Liberalia? Quibus undique per plateas & compita discurrunt innumeri, Hircocervi, Leopardi, Centauri, Hippopotami, Lupo-agni, &c. meræ Chymærae, mera Entia Rationis, sine usu rationis, de quibus verificatur illud Sapientis : *Perversi difficile corriguntur, & stultorum infinitus est numerus.*

Tales sunt omnes illi, qui sua formâ non contenti, consueto & decenti vestitu seposito, in varia se formant Entia Rationis, & larvas non tam hominum quam bestiarum assumunt, homines *perversi* non veri, qui licet difficile corrigantur, statui nihilominus hodiè Bellerophontem agere & missilibus exegeticis hæc monstra impetere, ut si non omnia ē medio sustulero, saltem eorum numerum diminuam.

II. Vix orbem Deus condiderat, & hominem ad imaginem & similitudinem suam formaverat, vestitum stolâ innocentiae, cum simul enata est prima in mundo Chymæra Angelo-Serpens, à quo longissima serie suam hodiè texunt Genealogiam, quotquot in mundo sunt hircocervi, & monstræ Chymærae. Non sum tam rigidus morum censor, ut omnes personatos, & larvatos inter Chymæras referam. Accidit enim, ut subinde honesti joci gratia, & citra omne piaculum hisce præsertim diebus mutato habitu, assumptâ larvâ, nonnulli celebrent Hilaria; nequè etiam reprehendo personas, quæ in Comœdijs & spectaculis publicis absq; scandalo, & bonorum morum violatione producuntur. Illas personas, illas larvas Chymæras voco & mon-

stra

Eccles. 10.

stra semihumana , quæ sub ficto vultu , fictum animalium & mala machinantem abscondunt , & quod palam in solito habitu non auderent , sub peregrino & occulto agere moliuntur. Nequè enim mihi persuadeo in tanta multitudine & varietate baccantium stultorum , non esse aliquos verè stultos , verè fictos , qui aliud habitu , & vultu larvato præferunt , aliud in corde abditum gerant , alius præmeditatas libidines , alius lenocinia , alius ebrietatem , alius petulantem jactantiam , alius disordiarum semina , alius vindictam ; quorum hileones , illi petulci capri , hi venenati Serpentes , illi olidi hirci dum hominem exunt , homines tandem audire volunt.

III. Homo ad imaginem & similitudinem Dei factus est , non ad imaginem & similitudinem bestiarum , quas isti imitantur , unde longe à primitiva imagine recedere censendi sunt , qui Chymæras induunt. *Cognoscamus* (monet B. Dorotheus) quoniam ad imaginem *D E I* facti sumus , ipse enim fecit nos , honorem exhibeamus archetypo. Ne afficiamus contumelia imaginem *D E I* ad quam facti sumus , &c: Sed puram , nitidam , honestam , propriam imaginem faciamus , & dignam archetypo. Si enim imaginem sensibilis , & similiter ut nos geniti Regis commaculantes puniuntur , quid nos passuros credimus , qui spernimus , quæ in nobis est , divinam imaginem , nequè illam , ut par est , puram & immaculatam reddimus ? Honoremus fratres archetypum . Sanè qui statuam Imperatoris aut Regis indueret morionis habitu eamque per vicos circumlatam obvijs ostentaret , is crimen læsæ Majestatis incurreret , quanto magis delinquit , qui *D E I* imaginem sub belluino habitu circumferre non erubescit. *Honoremus archetypum.*

IV. Inter

B.Doroth.
doðri. 22.

Deut. 22.

Sen. Ep.
122.

Sen. ibid.

S. Amb. in
cap. 22.
Deut.

IV. Inter cœtera præcepta quæ dedit Deus filijs Israël, lego & illud : *Non induetur mulier ueste virili, nec vir utetur ueste fœminea: abominabilis enim apud Deum est, qui facit hæc.* Quid obsecro cauſæ est, quod Deus aversetur uestem virilem in muliere, muliebrem in viro? Uterquè homo est, vir & mulier, utriusque vestimentum humanum est viri & mulieris: Num igitur in uno abominabile censet Deus, quod in altero tolerat? Advocemus hoc Cordubensis Philosophi Sapientissimum effatum: *Omnia inquit, vitia contra naturam pugnant, omnia debitum ordinem deserunt.* Hoc est luxuriæ propositum gaudere per versis Eccl: & post pauca, non videntur tibi contra naturam vivere, qui commutant cum fœminis uestem? Eccl. Non vivunt contra naturam qui hyeme concupiscunt rosam Eccl: Ecce causam abominationis divinæ, cur Deus nolit virum fœmineis, fœminam virilibus indui vestimentis, quia est contra naturam, quia est luxuriæ propositum gaudere per versis. Vir indutus ueste fœminea est vir per-versus, fœmina induta ueste virili est fœmina per-versa. Hi uti idem Seneca subdit: *Cum instituerunt omnia contra naturæ consuetudinem velle, novissimè in totum ab illa desciscunt.* S. Ambrosius memoratum Deuteronomij locum sic exponit: *Arbitror, quod non tam de ueste quam de moribus dixerit, vel de usibus nostris, ac de actibus: cum alius virum, alius fœminam deceat actus.* Sed quomodo vir exerceat viriles actus si ueste induatur fœminea? mulieres mores arguit vestitus muliebris. Unde concludit S. Doctor. *Quād deformē virum facere opera muliebria! ergo ē pariant, ergo ē parturiant, qui crīspant comam sicut fœminæ (addo ego de baccantibus, qui gesticulantur sicut fœminæ, qui in-*

Y

cessum

cessum formant sicut foeminæ &c:) *Meritò illic non servatur castimonia, ubi non tenetur sexus distinctio.* Hæc S. Ambrosius in eos qui solum vestem & ornatum muliebrem ambiebant. Quid diceret hodiè de nostris Chymæris, Hircocervis, Leopardis, Centauris, Lupo-agnis, qui vario etiam belluino vestitu deformes larvas assumunt canum, leonum, asinorum, ursorum, imò & subindè Diabolorum? *Abominabilis apud DEM est qui facit hæc, malo animo, perverso affectu.* Et non video quomodo possit bono affectu.

V. Id sine dubio ponderaverint olim Angli, apud quos capitale fuit larvatum incedere, ut testatur Polydorus Vergilius. Longobardi verò singulos larvatos mulctabant octoginta solidis, eosquè Momos eodem nempè suæ linguae vocabulo quo Diabolas appellabant. Franciscus I. Rex Galliæ Anno 1539. vetuit gravissimè ne quis larvatus aut armatus per plateas incederet, adjiciens proscriptiōnem bonorum & alias pœnas. Nec multo post, Anno videlicet 1551. Senatus Parisiensis prohibuit larvas vendi aut inferri Parisios. Sed & dudum Innocentius Papa III. larvas ejusmodi appellavit *turpidines, ludibria, & corruptelas*, non solum Clericis, sed omnibus Christianis indignas. Et quid obsecro inde nonnulli capiunt delectationis? Nam pudet illos esse homines? pudet esse viros? pudet esse prudentes, ut malint indui ceu belluae, ceu foeminæ, ceu moriones? An desunt alij honestæ relaxationis modi, quibus nonnihil à consueto rigore & laboribus remittat animus? Adeóne nobis placent pravi & abominabiles veterum Ethnicorum ritus, ut illos honestis Christianorum Exercitijs præferamus? Per tot secula

*Polyd.
Verg.lib.
5. de in-
vent.
Laur.
Beyrl,
Theat.vi-
tae. tit.
Personæ.*

*C. cum de-
corem de
vita &
bon.Cle-
ric.*

secula conversis à gentilismo ad veram fidem , adhærent adhuc quidam immanes abusus , & velut simulacra nefandæ superstitionis.

VI. Declamarunt adversum has corruptelas jam olim SS. Patres , declamant hodiè multi Concionatores è pulpitis , & semen verbi D E I cadit in faxa & silices , in animas duras & induratas . S. Augustinus de Calendis Januarijs , à quibus Bacchicolæ sua hilaria incipiebant , uti & hodiè passim licet observare , exclamat ad suos Auditores : *Christiani estis omnes : D E O propitio Christiana est civitas. Non fi- ant illa quæ odit D E U S.* Et S. Maximus in hæc verba : *Grave utique eorum cor est , atque omni impie- tate depresso , qui per sacrilegos jocos diuinis monitis il- ludentes , vana diligunt , & falsa sectantur : & post omnia ad offensionis plenitudinem dies ipsos Annum novum vo- cant &c: Annon omnia quæ à Ministris Dæmonum illis aguntur diebus falsa sunt & insana ? cum vir virium sua- rum vigore mollito totum se fingit in fœminam , tantoquæ illud habitu atquæ arte agit , quasi pœniteat illum esse quod vir est ? Nunquid non universa ibi falsa sunt & insana , cū se à D E O formati homines aut in pecudes , aut in feras , aut in portenta transformant ? Nunquid non omnem excedit insaniam , cum decorem vultus humani , D E I specialiter manibus in omnem pulchritudinem figuratum , squalore sordidum , & adulterina fœditate deturpant ? Hæc S. Maximus. Quasi diceret larvatos esse Entia rationis sine ratione , quia deformare pulchritudinem divinæ imaginis omnem excedit insaniam. Optandum es- set , ut Principes & Magistratus severis legibus ejusmodi insanias coërcerent ; ac illas præsertim quibus viri transeunt in mulieres , habitu & ornatu effœ- minati,*

S. Aug.
serm. 59.
ex divers.
S. Maxi:
hom. de
Circum-
cis.

minati , ex quibus abditos in corde sensus facile est divinare.

*Alex. ab
Alex. lib.
2.c. 13. Ge-
nial. dier.*

*Orph.
hymn. in
Misen.*

*Apoph.
lib. 3.*

VII. Apud Thurios, qui erant populi magnæ Græciæ, dicti etiam Sybaritæ, lex erat militaris, ut contumax miles, desertor, aut transfuga muliebri veste amictus ob ignominiam vincitus teneretur. Non est ignominia nota vestis fœminea, sed à viro gestata ignominiam signat. Se ipsos proinde damnant, ut contumaces, ut transfugas à C H R I S T I castris ad castra Dœmonis, qui mentito habitu sexum alium mentiuntur, & ignominia se dignos ipso facto pronuntiant, dum ipsi naturæ videntur repugnare. *Non videntur tibi contra naturam vivere, qui commutant cum fœminis vestem?* repeto cum Seneca. Quinam illi? nempe Bacchicolæ, ad Bacchi sui imitationem compositi, quem Orpheus fœminam simul & marem fuisse cecinit, & Philostratus muliebri habitu depinxit. Ad hos liceat dicere quod Diogenes ad Juvenem moribus effeminatum & nimio cultu ornatum, dixit: *Non te pudet, qui pejus tibi velis, quam ipsa Natura voluit? siquidem illa te virum, tu te ipsum refingis in fœminam.* Addo ego, natura te hominem facit, tu te ipsum refingis in brutum: Natura te rationis usu donavit, tu te ipsum refingis in ens rationis fictum sine ratione, in Chymeram abominabilem.

VIII. Facile conjicio à nonnullis in me vibrari censuram, quasi vitio attribuam quod vitiosum aut nunquam fuit, aut desijt esse longa consuetudine in mores traductum. Ut quid ista tam rigida velut stoicorum præcepta, velut regulas Monasticæ disciplinæ? laxandus est aliquando arcus, indulgendum subinde hilari genio, dummodo D E U S non offendit.

offendatur. Laudo animi relaxationem, quæ citra cul-
pam admittitur; non laudo quæ cum periculo culpæ,
cum periculo jacturæ sive corporis sive animæ.
Qui me hic rigidum censem, ijs cum Seneca repono:
*Occurres mibi illa publica contra Stoicos voce: Nimis du-
ra præcipitis: nos homunciones sumus, mina nobis negare
non possumus. Scis quare non possumus ista? quia nos posse
non credimus. Imò Mehercules aliud est in re. Vitia nostra
quia amamus defendimus, & malum excusare illa, quam
excutere. Nolle in causa est; non posse prætenditur.*
Non est rigor dissuadere noxia, subtrahere peccato-
rum occasiones, subducere periculis: necessitas est,
obligatio est mea ut moneam, vestra ut caveatis.
Nullum ex se malum, ex se pericula generans con-
suetudine fieri potest bonum, aut frequenti usu pe-
ricula excludere. Non damno omnem habitus dis-
simulationem, non damno omnes qui personati in-
cedunt; vix ullum tamen à periculo aliquo sive cor-
poris sive animi possum eximere, cum in memo-
riam reduco casus, qui larvatis, & personatis non
semel evenerunt. *Non est tam niger Dæmon ut pin-
gitur, vulgatum apud Germanos jactat proverbi-
um.* Verè hoc dicitur; quia tam niger pingi non
potest, quam in se est. Joci dierum liberalium &
personarum metamorphoses non sunt absolutè illi-
citæ, sed rarò aut sine culpa, aut sine periculo, ut
proindè, quantumcumquè missilium à Bellero-
phonte Concionatore in eas conjiciatur, parum ta-
men videri possit; & nullus dici rigor debeat, sed
lenis nimium correptio.

IV. Exemplis veritatem ponamus ob oculos: hic Argi sint, qui oculis non contenti huma-
nis, belluinos sibi sæpenumerò effingunt. Circa

Y 3

annum

Sen. Ep.
116.

*Paul. A-
mit. lib.
10. hist.
Franc :
Francis :
Bellofo-
refl. in
Carolo.*

annum 1400. aut paulò tardius Carolus VI. Valesius Franciae Rex in nuptialibus ludis cuiuspiam aulici, animi recreandi gratia , & studio novi spectaculi convivis exhibendi cum quinque nobilioribus personatus in cœnaculum, ubi convivium nuptiale agebatur serâ nocte prodijt : larvæ Leonini oris imaginem præferebant , vestes pice delibutæ, multoquè lino depexo, ac in villos confecto, ita contextæ erant, ut hispidi ac semiferi portenti speciem exhiberent. Inchoatæ mox choreæ fescennino carmine admodulante , fit concursus tota Regia ad picatorum spectaculum. Ludovicus Aurelianensis Regis frater gratia clarius visendi habitum personarū arreptam facem proprius admovit. Ex qua fortè fortuito scintilla decidit in Regias vestes , repentinum in omnes larvatos diffusa flamma , conflavit incendium. Rex conjugis Biturigis veste caudata & longo syrmate involutus antequam flamma ad vivum pervenisset , vii servatus est : quatuor Comites miserè ustulati perierunt: quintus in propinquam cellam ruens , & aqua vinoq; se perluens evasit. Ita extrema gaudij lux' occupavit, & ubi periculum nullum subesse credebatur, maximum periculum fuit, & parva scintilla magnum excitavit incendium. *Ipsi autem non intellexerunt.*

X. Vix seculum cum dimidio post hunc lamentabilem casum effluxerat , cum repetitis ijsdem penè ludis repetita est lugubris catastrophe & proximus arsit Ucalegon. Longè latequè pervulgatum fuit , & mandatum annalibus, quod Carolo Regi acciderat; audiebant , legebant, quod narrabatur, magnates , *ipsi autem non intellexerunt.* Nam anno 1570. uti ex Lucio Marinæo refert Simon Maiolus & post hos alij : Comites aliquot Hohenloënses pluribus Nobis

*Maiol. P.
2. Colloq. 7.*

Nobilibus comitati Eberhardum Consanguineum suum in Arce Wartenberga die Bacchanaliorum visitandi studio convenerunt. Aderant & nobiles Matronæ cum Gynæcæo puellarum , quibus ut dicti Comites delicias facerent , & ludicrum aliquod spectaculum exhiberent, cœnâ peracta Faunorum personas , multa stuppa lineis vestibus pice resinaquè agglutinata, mentiti ; jucundo primum spectaculo convivas ad ludum projectis in mensam tesseris provocarunt. Ex tesseris una fortuito casu in terram delapsa est ; quam dum puer honorarius personatus repetit, funalis incautius adhibiti flammarum concipit , & clamans opem implorat adstantium. Eberhardus ipse pro sua pietate puero periclitanti opitulaturus occurrit , eodem malo corripitur ; incenduntur mox etiam reliqui. Jocus esse primo vi-sus est , sed mox rem seriò agi clamor omnium indicavit. Ad labrum vicinum, quod Comes in hunc eventum impleri jussérat, curritur , sed illud modò exaruerat. Famulorum unus vasculum aqua plenum afferebat , sed in ipso limine præ nimia festinatione offendens collapsus est , effusâ quam attulerat aquâ. Alterius aquam ferentis cadus ligneus fatiscens auxiliij desperatione calamitatem auxit. Et versa est lætitia in luctum , ac miserabilem ejulatum,cum tribus horis tres Comites in ipso flore ætatis miserè ustulati perierunt. I.nunc & illude imagini à D e o acceptæ , pro simulacro divino Chymeras indue , & inter pericula tibi securitatem polliciaris : Sapientis monitum est, *Risus dolore miscebitur, Et extrema gaudij luctus occupat. Ipsi autem non intellexerunt.*

XI. Quot sunt hic modo præsentes , qui hæc audiunt , qui hæc forte pridem legerunt , & cum debe-

*Lucius
Marinæ :
Sicul. de.
reb. Hisp.
Carol.
Stengel.in
Falsis
Cbrisli.*

Prov. 14.

deberent ejusmodi casibus absterrerri à petulanti larvarum & personarum usurpatione, *ipſi autem non intellexerunt*, sed adhuc hodiè ibunt in adinventionibus suis, cornigeri, thyrſigeri, capripedes, Fauni, hircocervi, abominabiles Chymæræ, adeò dulce quibusdam est despere, & insanire. Ingemiscebatur aliquando S. Bernardus, quod pro bono publico non nihil secularibus negotijs ſe immiscuerit, cum pacem inter viros Principes conciliaret, cum fideles ad bellum sacrum animaret, quæ si hodiè multi Ecclesiæ Prælati facerent, in Cœlum laudibus tolerentur, & tamen in ejusmodi occupationibus Bernardus ſe Chymæram appellabat. Sic enim scripsit, *clamat ad vos mea monſtroſa vita, mea eruſmoſa conſcientia. Ego enim quædam Chymæra mei ſeculi, nec Clericum gero nec laicūm; nam Monachi jam dudum exui conuerſationem, non habitum.* Heu quantum inter Bernardum & hodiernas Chymæras intervallum est! longè potiori jure de multis dixeris, sunt Chymæræ hujus ſeculi, nec Christianum agunt nec Ethnicum, sed quidpiam ex utroquè conflatum; nec hominem, nec belluam, sed utroquè & audiunt clamantem Apostolum: *Induamur arma lucis, ſicut in die honeste ambulemus: Induim⁹ Dominum Iesum Christum, & carnis curam ne feceritis. Induite novum hominem qui ſecundum Deum creatus eſt. Induite vos armaturam Dei. Induite vos ſicut eleſti Dei, ſandi & dileſti.* Si transformationes placent, ſi Metamorphofies delectant, hoc agamus, ut exuto veteri homine novum induam⁹, qui ſecundum Deum creatus eſt, ne excludam⁹ à cœleſti convivio, in quo dicetur ejusmodi insanis Chymæris: *Quomodo buc intraſti non habens uestem nuptialem &c: Honorem⁹ Archetypum.*

DISCUR-

*S.Bern.
Ep. 249.*

*Rom: 13.
v.13. &
14.
Ephes.4.
Ephes.6.
Coloss.3.*